

Kuala Lumpur: Beberapa siri perbincangan antara Dewan Bandaraya Kuala Lumpur (DBKL) bersama wakil penduduk diadakan sejak 2019 dalam menyelesaikan isu tapak projek perumahan di Jinjang Selatan Tambahan, Kepong, di sini.

Unit Media Jabatan Perancangan Korporat DBKL memaklumkan wakil penduduk juga mengambil maklum mengenai penghuni unit kediaman dibenarkan tinggal di tapak dan hanya akan berpindah selepas rumah ganti siap sepenuhnya.

“Bagi unit komersial yang sebelum ini penghuninya diarahkan mengosongkan tapak pada 31 Ogos ini, (mereka) akan diberi lanjutan tempoh pengosongan tapak sehingga hujung tahun ini.

“Pembangunan rumah ganti 35 tingkat (mempunyai) tiga bilik dan dua bilik

PEMBANGUNAN RUMAH GANTI 35 TINGKAT DI JINJANG

Projek dijangka siap sepenuhnya hujung tahun ini

air sedang dalam pelaksanaan, yang kini mencapai status kemajuan sehingga 88 peratus dan dijangka siap pada penghujung tahun ini.

“Pembinaan Rumah Mampu Milik bersebelahan dengan tapak rumah ganti pula sedang dalam peringkat mendapatkan kelulusan pembangunan,” katanya dalam kenyataan, semalam.

DBKL mengulas mengenai puluhan penduduk menyerahkan memorandum kepada Datuk Bandar Kuala Lumpur di Menara DBKL, di sini, kelmarin.

Kenyataan itu berkata, pihaknya akan meneliti segala butiran tuntutan yang terkandung dalam memorandum Jawatankuasa Gabungan Isu Perumahan dan Pampasan, Persatuan



Pembangunan Sosial Jinjang Selatan Tambahan, Persatuan Penghuni Penghuni Jinjang Selatan Tambahan dan Jawatan

kuasa Penyelesaian Perumahan Tetap.

Menurutnya, Lot PT 26640 di Jinjang Selatan Tambahan terbahagi dengan

penjualan tanah milik Datuk Bandar Kuala Lumpur kepada Tetuan Utara Land Sdn Bhd melalui perjanjian yang ditandatangani pada 23 November 2017.

“Lot PT 26640 ialah lot tanah yang terbahagi untuk membangunkan rumah ganti berkeluasan 900 kaki persegi dan 750 kaki persegi serta rumah mampu milik kepada penduduk Ex-TOL (lesen pendudukan sementara (TOL), setingan dan rumah panjang Jinjang Selatan Tambahan.

“Sesi cabutan undi pengisian unit Rumah Ganti keluarga pertama diadakan pada 29 Jun dan 30 Jun lalu serta 13 Julai dan 14 Julai lalu di Dewan Serbaguna DBKL, Jinjang Utara.

“Seramai 237 keluarga pertama hadir pada sesi ca-

butan undi itu,” katanya memaklumkan. Tetuan Utara dikehendaki mematuhi syarat teknikal yang ditetapkan dalam setiap pembangunan dirancang.

Terdahulu, puluhan penduduk menyerahkan memorandum kepada Datuk Bandar Kuala Lumpur Datuk Seri Dr Maimunah Mohd Sharif kepada wakil beliau.

Memorandum itu menuntut Maimunah mengadakan rundingan bersama penduduk terjejas selain membatalkan segera notis pengosongan lot kedai dan notis cabutan undi.

Ia turut menuntut salinan senarai penerima pampasan supaya dapat menyemak dan memastikan keadilan dalam pengagihan pampasan.